

Inkanda inda Yoane inda iphe

1 Engambe ele bomoto bosonamaki la ele bana banandi bandokemi lolango nda soosolo; ko apha emi ontulu, aye iyo bankumela baoleya djoi dinda soosolo nda boloko onda soosolo embulama nda betema bendiso, la eko ekotshikala ele isho elengi ndi diiyo. 3 Diyota inda diphepha dikoyala ele we, la ishei la wee m'ele Ndjambi Apha, la m'ele Nkumu Yeso Kilisito, Bona onda Apha nda soosolo o la nda lolango.

4 Ndolekola dishashala akimi wenaka bana bandawe basembi nda baoi banda soosolo shene ekiso wambaka engembe m'ele Apha. 5 We ama bomoto, etambene nshokoonda, apha shene bonto akokotela engembe enda boto, aye shene ekiso wambaka ma angolelo mbo, Diyadi la isho yokana lolango. 6 Ko lolango loyadi shene dinda isho dikenda shenda eyadi dingembe dinandi. Engembe esoko, eko ene sheki inyo wokaka ma angolelo dinda inyo diyokenda nkoko. 7 Djoi inda basi batshuya eusa baotshangana na motshi; iyo baphimedye mbo, Yeso Kilisito oyakaki nda bounu; bone bole bodimbi la bontonyi bonda Kilisito. 8 Loyaphalaka, tophyotshweya bone bokiso wambaka, aye inda isho yamba diphutu dikomana la bolimo bondiso. 9 Bonto bouma bosolekana, la aphulami nda wekyelo bonda Kilisito, ophoyadi la Nkumundjeyi. Bonto bondulama nda wekyelo bonda Kilisito, andi ale la Apha o la Bona. 10 Ayakalomi bonto okinyo la andi aphoyaki la wekyelo bone, lotambakandi nda lodu, lotoosasaki; nda ditshina indabonto ondoosasa aolekesana la andi la bekeledi benandi ben'embe. 12 Nkula emi la baoi phala banda dilokotela, mpoyolokotelako la nkashi la bashi banda bonkanda. Ko emi nsholindedya diyaka ele inyo la diyophulula la inyo borumvu la borumvu dinda bosadu bondiso diphula o too. 13 Bana banda wina bondawe bomoto ondosonamaki bakodinga.